

## Forum Ecclesiasticum

In Quo Jus Canonicum Universum, Librorum Ac Titulorum Ordine Per  
Quæstiones Et Responsa, Tam Canonistarum Veterum & Recentiorum,  
quàm Legistarum, in iis, quæ Utrique Juri, Canonico Et Civili Communia  
Sunt, Authoritate stabilita, Methodo clara & facili explanantur

**Leuren, Peter**

**Moguntiae, 1719**

Quæst. 423. Quid juris competat domino & agnatis, dum feudum malè seu  
in præjudicium eorum est alienatum.

---

[urn:nbn:de:hbz:466:1-73957](#)

9. Octavo feudum antiquum alienari nequit per renunciationem factam in extraneum sine consensu domini & agnatorum: neque per factam in dominum ipsum sine consensu agnatorum, aut etiam domino invito, saltem ubi ejus interest non renunciari; cum feudum sit contractus ultra citoque obligatorius, adeoque non debeat esse in facultate unius ab eo recedere altero invito. Alex. in L. si quis vi. §. fin. num. 14. ff. de acquir. possess. Clar. quest. 39. num. 1. quamvis is ita distinguitur, ut procedat, quando servitium certum praestandum, secus, si incertum aut nullum, citatis quam plurimis pro hac distinctione. Quæ tamen distinctione per hoc latius videtur elisa, quod dictum: saltem ubi ejus interest. Ut etiam invito domino renunciatio fieri non potest in feudum, ut si perceptis totius anni fructibus, tunc primum renunciare vellet, quando dominus iturus ad bellum opera & servitiis vasalli, maximè egeret. Reiffenst. b.t. num. 148. citatis Mynting, centur. 5. obs. 65, & Engels b.t. num. 45. Et quanquam facta sine consensu domini in externum, aut facta sine consensu agnatorum in dominum teneret, teneret tamen tantum, quoque vasallus renuncians vivit, & eo mortuo feudum reddit ad proximos agnatos, ac si nunquam renunciatum fuisset, juxta l. 2. tit. 26. §. Titius. Reiffenst. b.t. num. 150. secus est de feudo juxta dicenda paulò post. Sed neque in renunciatione generali hæreditatis veniunt feuda antiqua. Gail. l. 2. obs. 154. num. 6. cum Decio conf. 295. num. 8. & Bald. in L. item videndum. §. fin. ff. de petit. hered.

10. Nonò eti possit vasallus sine consensu domini constitutere servitutem realem aliudvē onus iure feudali, quantum est in prejudicium sui, ut habet communis, non tamen in prejudicium domini aut agnatorum, qui successuri sunt in feudo, ita etiam, ut eveniente casu, quo feudum aperiretur domino, aut etiam agnatis, extinguatur omne onus illi impositum per vasallum. Clar. quest. 37. citatis Alex. conf. 18. post num. 5. l. 3. Paris. conf. 88. l. 4. Berroo, quest. 95. num. 1. dicente communem. Atque ita non posse vasallum constituere usum fructum in re feudali ait Clar. loc. cit. num. 2. cum Curt. Jun. eo quod ususfructus sit pars dominii utilis, & vasallus etiam partem illius nequeat alienare. Verum quomodo dici potest pars dominii utilis, cum juxta dicta supra vi ususfructus nullum dominium ne quidem utile transferatur in usufructuarium, sed sola commoditas percipiendi fructus, quam transferri ad tempus vitæ suæ à vasallo in alium sine consensu domini & agnatorum quid vetat; cum per hoc neque domino, neque agnatis creetur ullum prejudicium; & quod commoditas feudi alienari possit, tanquam communem cum Ruino conf. 176. n. 13. l. 1. & alii docet. Clar. quest. 31. num. 9.

11. De cætero haec responsio de feudo non alienando patitur exceptions. Et primò quidem extra dubium videtur, posse feudum alienari sine consensu domini & ceterorum agnatorum in proximum agnatum, seu in illum, qui alias succederet immediatè vasallo mortuo. Clarus in additionib. quest. 31. addit. fin. Secundò, si feudum constitutum & acquisitum pro se & hæredibus. Vultej. l. 1. c. 10. num. 97. Clar. quest. 31. num. 8. cum Decio, Curt. Jun. & communis, juxta expressum textum l. 2. feud. tit. 48. Quamvis in hoc casu dici nequeat, quod feudum alienetur sim-

R. P. Leur. Jur. Can. Lib. III.

pliciter sine consensu domini, cum, ut Clar. cœleatur statim ab initio universaliter consensum suum cuicunque alienationi præstuisse. Et sic extendit se haec exceptio ad omne feudum simpliciter & absoluè hæreditarium, nulla habita ratione, an sit antiquum, an novum. Clar. quest. 4. num. 3. non verò ad feudum mixtum, ut idem ibidem. Tertiò potest alienari sine consensu domini per subinfeudationem, de quo dictum fatus supra, ubi quanam res dari possint in feudum, & quanam feudum concedere possint. Quartò si alicubi viget consuetudo alienandi feuda sine consensu domini, ea valet. Clar. cit. quest. 31. n. 12. cum Curt. Jun. conf. 158. num. 8. dicens esse magis communem, ex ea etiam ratione, quod in cæteris omnibus, quæ respiciunt feuda, consuetudo vincat legem, & pro lege habeatur.

*Quæst. 423. Quid juris competit domino & agnatis, dum feudum male seu in prejudicium eorum est alienatum?*

1. Respond. primò: Feudum male alienatum in prejudicium domini, quia nimur facta sine ejus consensu alienatio revocari nequit ab eo; quia ipso jure est nulla juxta c. imperiale. de prohib. feud. alien. per Frideric. & dicta supra. Si male facta alienatio feudi, nimur antiqui paterni p̄cū in prejudicium agnatorum, consentiente nimirum domino, et si non sit ipso jure nulla, sed teneat, quandiu alienans vivit, eoquè mortuo reddit sine ulla refusione pretii ad filium, vel, si coearet, ad proximum agnatum vasalli alienantis, nisi is sciens per annum tacuerit, pro ut hæ dicuntur, l. 2. tit. 26. §. Titius. potest tamen alienatio, vasallo adhuc vivente revocari à filio, restituto tamen pretio, si quod alienans accepit. A proximo verò agnato non nisi post mortem alienantis, pretio non restituto; ita Clar. quest. 42. n. 1. qui tamen hoc posterius ita distinguit n. 6. ut possit etiam proximior agnatus vivo alienante revocare alienationem, si ea facta jure non permittente, ( qualiter fieri dicitur, dum alienatur sine consensu domini in casibus, in quibus à jure vel consuetudine non permittitur alienatio sine consensu domini,) secus verò, seu revocari non possit vivo alienante, si alienatio facta jure permittente, ( hoc est, interveniente consensu domini,) tunc enim valet alienatio, et si facta in prejudicium agnatorum. Et quidem hæc ipsa procedere ait Clar. sine difficultate juxta opinionem, quæ tenet feudum antiquum propter alienationem non aperiri domino, sed agnatis, de quo paulo post, & quidem in utroque casu non teneri agnatum restituere pretium, addit. Clar. num. 7. eo quod nullo casu, ubi feudum ad agnatum devolvitur ex providentia primi investiti videatur æquum, ut ipse teneatur rem suam pretio redimere. De cætero huic revocationi locus non est in feudo merè hæreditario; cum tale feudum sit alienabile ad instar bonorum allodialium. Clar. quest. 47. num. 2. Neque etiam in feudo mixto, aut etiam simpliciter ex pacto & providentia, si tale feudum est novum; cum & hoc per vasallum alienari possit in quicunque alium;

Nn

secus

secus si illud sit antiquum, ut ibidem Clarus Hanc etiam revocationem, dum aliis ei locus est, facere non possunt remotiores agnati, dum facta in eum, qui absque eo post mortem alienantis in feudo ei successorus erat. Clar. loc. cit. n. 4. cum Belviffo in c. imperiæ; si autem alienasset in agnatum remotiorem possunt filii revocare modo dicto, vel illis deficitibus, proximior agnatus. Clar. n. 5. Et quidem in hac revocatione filii, si sint, preferendi proximiori agnato, si alienatio facta jure permetente. Agnatus verò præferendus filio, si alienatio facta jure refragante. Si tamen alienatio facta in extraneum (intellige eum, qui non sit comprehensus in investitura, et si aliis agnatus ipsius alienantis) filii & agnati pariter admittuntur ad revocandam hujusmodi alienationem. Clar. num. 9.

2. Resp. secundò: Si facta male alienatione, puta, in remotiorem, proximior taceret per annum, & per annos 30. si facta in extēnum, omnino exedit feudo, & consequenter jure revocandi alienationem, ut cum Gl. in cit. §. Titius. v. per annum; quam communiter receptam dicit Alex. conf. 15. num. 10. l. 5. Decio & alis Clar. qu. 42. num. 10. qui etiam num. 11. conatur reddere rationem, cui minus tempus requiratur ad revocandam alienationem factam in remotiorem, quam factam in extraneum. Possunt nihilominus proximiorē feudum hac ratione male alienatum non revocante, ab ita eo excidente, revocare ceteri agnati, etiam postquam is, in quem alienatum multis annis id possedit, non quidem vivente illo proximiore negligente illud revocate; eò quod illo vivente agere nequeant; impedito autem agere non currit præscriptio, sed mortuo, ita Reiffenst. b. t. num. 127. citato Fachin. l. 7. num. 12.

3. Resp. tertio: Competit quoque agnatis ius retractus, si feendum antiquum absque eorum consensu venditum, ita ut etiam vivente vasallo venditor recuperare possit proximus agnatus, vel eo nolente, etiam remotior, si nempe idem premium, quod alter dedit, offerat. Reiffenst. b. t. num. 128. Arg. l. 2. ut. 9. §. porrò. Et tit. 26. §. Titius. juncto ut. 3. De servandis verò in tali retractu vide dicta supra de empt. & vendit. Ubi tamen proximior agnatus consensit alienationi factæ à vasallo sè præterito, consensus ille præjudicabit filio consentientis, quod minus is recuperare possit feendum, (etiam, ut videtur, vi retractus,) si filius ille est hæres consentientis, aut aliquid habiturus ex ejus hereditate; cùm hæres non possit retractare voluntatem defuncti, adeoque nec retractare factam ab eo alienationem, (quod tamen intelligendum de hæreditate, qui adivit hæreditatem sine beneficio inventarii, dum aliis beneficiis inventarii conservet hæredi omnia jura & actiones, ac si non adiuvisset hæreditatem. De quo vide Clar. loc. cit. n. 14.) secus, si non sit hæres, nec aliquid habiturus de hæreditate; tunc enim, non obstante patris consensu, feendum alienatum recuperare poterit; ita Clar. loc. cit. num. 12. cum Curt. Jun. dicens, sic communiter solere feudalistas distinguere. Porrò dum existant agnati proximiores, remotiores & medii gradus, ipius alienantis, consensus proximioris in alienationem factam in remotiorem non præjudicabit mediis agnatis, quod minus hi revocare possint alienationem & feendum recuperare; cum enim iis quoque sit jus quæsumum tenore primæ investituræ, id iis sine eorum culpa, facto alterius afferri nequit; ita Clar. loc. cit. n. 13. cum Curt. Jun. dicens magis communem.

Quæst. 424. An scuda dividī possint a possidente illa?

R Esp. Feuda majora, ut sunt Ducatus, Comitatus, etiam consentientibus consortibus dividī non possunt Arg. c. 1. §. præterea Ducatus. de probib. fœd. alien. per Frider. Imp. Socin. conf. 178. num. 1. l. 2. Curt. Jun. de fœd. 4. part. princip. in cauf. ult. privat fœd. quæst. 30. quos citat & sequitur Clar. quæst. 44. num. 1. eò quod sic constitutum videatur in favorem & honorem Imperii, ne scilicet talia feuda majora, quorum dignitatis titulus provenit ab Imperatore, diminuantur & destruantur. Quamvis addat idem Clar. n. 2. quod quidquid sit de jure, communiter in Italia & certis Germanicis partibus alias Provinciis omnia feuda, etiam dignitatum, præter regalia dividantur; & hanc consuetudinem ubi & in quibus feudis vigeat, servandam. Inferiora verò feuda, non habentia dignitatem annexam dividī possunt juxta cit. §. præterea Ducatus. Clar. loc. cit. num. 1. cum Socin. & comm.

Quæst. 425. Quid possit vasallus circa excindendas arbores in fundo fœdali?

R Esp. Ubi vasallus posset abolutè disponere de feudo, puta, quia est simpliciter hæreditarium, vel feendum novum, posset exscindere arbores illas; cùm cui licet, quod plus est, nimur alienare feendum, multò magis licere debet, quod minus est, puta, incidere arbores in fundo fœdali. Clar. qu. 47. Qui tamen bene monet, hac intelligenda, quantum ad præjudicium filiorum & agnatorum, qui successuri sunt in feudo; quod ad præjudicium autem domini cavendum vasallo, ne male versetur in re fœdali; cùm ex ea causa possit feudo privari. Nequit tamen id ipsum, ubi feendum est tale, de quo pro libitu suo disponere nequit; eò quod etiā sit dominus utilis rei fœdariae, non tamen sit absolutè & irrevocabiliter dominus, cùm post mortem restituendum feendum successoris vocato ad illud. Clar. loc. cit.

Quæst. 426. An quando & qualiter teneatur vasallus petere investitram?

I. R Esp. primò: Quotiescumque contingit mutatio, sive ex parte domini, ut dum is moritur alicui modo privatur domino directo bonorum, in quibus feendum constitutum, illudque transit ad alium. Sive ex parte vasalli, ut dum eo mortuo aliterve privato feudo, in eo succedit alius, est obligatio petendi de novo investitram seu renovationem ejus petita & concessa dum primitus constituebatur & conferebatur feendum; præstandique denuo debitum juramentum fidelitatis, ne aliis feendum fiat caducum, l. 2. fœd. tit. 24. Curt. Jun. de fœd. 4. part. in 23. caus. amitt. fœd. Clar. quæst. 49. num. 1. cum communi. Ratio communiter assignari solet, quod petere investitram sit devotionis & reverentiae, quam vasallus domino debet. Aliam addit Clar. C quæ tamen respicit specialiter præstationem juramenti & casum mutati vasalli, ) nimur quia virtus & ob-